

Үзмр диктант бичлгн

Хальмг келнә төрин тускар болн терүг дасхлгъна эв-аргын тускар кесг статьяс гарв. Тедн хальмг келнә багширт ик тусан күргв.

Болв диктантс ягъдж бичхин тускар багширт дөнъ болгч, селвг болгч статьяс гарад уга. Шүүврин диктант бичхәс өмн болн сургъулин джилин туршарт кесг оли зүсн батлгч, саглгч, үзмр, үүлдвр диктантс бичгдх зөвтә. Иим диктантсин туснь йир ик. Эдн сургъульчнриг чикәр бичлгннд, келлгннд, теднә келлгь өргджүллгннд ик нилчән күргнә.

Би эн статьядан 2-ч класст ягъдж нег үзмр диктант кесән бичдж, багширта селвхәр бәәнәв. Эн диктантин урокиг би иигдж кевүв. Сургъульчнриг урокдан белн болсинь бүрткчкәд, герин даалгъвринь умшулад шүүчкәд, джилин цагмудин тускар ахр күүндвр кевүв, иим сурврмуд тәвәд: джилд кедү цаг бәәдв? Ода джилин ямаран цагв? Зуна цагас намрин цаг

ююгъарн онъгдан? Намрт юн болна? Күн ю кенә? Иигәд күүндснә хөөн 2-3 сургъульчнрар ахрар дигтә-даратагъар келүләд, дарунь эврән баглад, чикләд, ашлад ахр амр келвр кевүв. Терүнә хөөн зәрм үгмүдин чик бичлгнинь сургъульчнрар келүлүв. Улгүрнъ: номгъар, унна, утна, бальчг, сургъульчнр гидг үгмүдиг хүвәрмүдәрнъ йилгъүләд, чикәр бичлгнинь келүлүв. Келврт толгъа сургъульчнрар өгүлүв.

— Ода бидн эн, күүндснәннъ тускар үзмр диктант бичхвдн, түрүләд умшад, хәләгъәд авчктн — гидж келәд доскд урднъ биччкскн зәнъгскн деерк бүркәгъинь авад (газет, кепчр), нег сургъульчар умшулв. Наа, кснъ сонъсад, хәләгъәд тодлдж авб. Дакад неджәд зәнъгәр кесг сургъульчнрар умшулад, зәнъг болгъна учрутхинь сурврмуд өгәд цәәлгъүлүв. Бичскн келврнъ иим билә: